



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

Eryci[i] Pvteani Admodum Reverendum Amplissimumque Dominvm D.
Avgvstinvm Wichmans Insignis Ecclesiae D. Mariae Tvngerloensis
Abbatem Epistola Quâ Iudicium suum de vita S. Willibrordi, eiusque ...

urn:nbn:de:hbz:466:1-10958

ERYCI PVTEANI
A D
Admodum Reverendum Amplissimumque
DOMINVM
D. AVGVSTINVM WICHMANS
INSIGNIS ECCLESIAE D. MARIAE TVNGERLOENSIS
ABBATEM
EPISTOLA

*Qua Indicium suum de vita S. WILLIBRORDI,
eiusque coöperatorum, Frisia Apostolorum proponit.*



DMODVM R. de & AMPLISSIME PRÆSVE,

In Cælo Terram, ut sic dicam, describi minus iam
miror: In Terra habemus Cælum. Quicquid magnum,
æternum, divinum est, Cælum est; & an brevius? ubi
Deus colitur, qui unus continet omnia, Cælum est.
Qua quidem ratione, & tuam illam, quam pari pietate
& prudentiâ, pari doctrinâ & bonitate regis TVNGER-
LOAM, Cælum appello. Omnia hîc pulchra sunt, &
ad æterna excitant: omnia hîc magnifica, & ad Deum
ducunt. Ne quis Solem desideret, Summum tu quidem
Astrum

Astrum totâ virtute inter tuos representas ; Purus,
CANDIDVS , magis etiam animo, quam vestimento
splendens: Cuius mores tanquam radij sunt, vita tan-
quam iubar. Sidera tua Viri sunt, & te Mystagogo,
Præmonstrant omnibus Religionis exempla, pietatis
dogmata, Salutis arcana: alius aliâ luce, ut variæ animi
dotes sunt, Ingenij, doctrinæ. habes in tam selecto
Cœtu, in tam composito Choro, Theologos, Philo-
sophos & ne ornatus desit, Philologos, atque litterarum
studijs excultos: qui cum tui sint, & sub tuis infulis,
sic agunt omnes, domi, foris, ut amari; & sic eminent,
ut celebrari mereantur. Vnus nunc quidem hoc meo,
sed brevi Elogio, WILLIBRORDVS tuus; Ille aliquid
tui exprimens; ideoque inter claros Belgij nostri, imo
sæculi Scriptores numerandus. Qui profectò, ut omnes
breviter coniungam laudes, Nomine suo dignus est;
quia Magnum illum Sanctumque WILLIBRORDVM,
Frisiæ Apostolum, verissimè, plenissimè descripsit.
Evolui Volumen, & quidni lumen vocem? Nam illius
temporis, quod litterarum defectu obscurum, aut cre-
perum fuit, & nunc tandem verè illustratur. Extra
nubem PIPINVM illum HERSTALLIVM, extra caligi-
nem CAROLVM illum MARTELLVM scire licet: statum
sub iisdem rerum, & potissimum Religionis; cùm qui
Principes erant, essent optimi, & rem Christianam,
adhuc nobis nascentem, quâ pietate, câ liberalitate
§ 2 erige-

erigerent ; Viris autem locisque sacris impensè faverent.
Hæc quæ sic explicatur Historia, VITA S. WILLIBRORDI
est, hæc imago virtutum, hæc tessera temporum,
basis antiquitatis Belgicæ, Divorum nostrorum, velut
indigetum, series & pictura. Hic lego quicquid scri-
bere diversi potuere : hic scripsit unus, tanquam plures
coniungerent operam, complexus omnia, non com-
pendio, sed Commentario ; facundus sine furo, ut
sua stabiliret ; ingeniosus sine fastu, ut aliena ac fal-
lencia oppugnaret. *Ardua res*, ut Plinij verbis utar,
vetustis novitatem dare, novis auctoritatem, obsoleti-
nitorem, obscuris lucem, fastiditis gratiam, dubijs fidem.
Sed profecto in hoc opere Novitas illa est, vetustas
corrigitur ; Auctoritas illa, nihil sine teste effertur ;
Nitor ille, splendent omnia ; lux illa, vincuntur tene-
bræ ; Gratia illa, horror sublatus est, denique Fides illa,
vivas mendacia rationibus profligantur. DIATRIBAS
Auctor vocat ; sed reverà Gemmæ sunt ; quæ cum
ubique conspicuæ erunt, in Bibliotheca Asceterij tui,
quæ luculentissima est, lucebunt maximè, & inter tot
librorum gemmas. Coronæ sunt, quibus & D. WIL-
LIBRORDVM WILLIBRORDVS, & te simul Antistitem
suum basilicè exornat. O pulchrum argumentum ! O
suave illicium ! Tanquam à se non abiret, suum in
Divo invenit Nomen, & gloriari potuit ; Divi in suo,
& scribendo Cælum veneratus est. Vnius præterea
Vita

Vita, plurimum historia est; & qui sacra fœlici ingenij
dexteritate explicuit, profana simul emendavit. Pro-
deat ergò hoc opus, hæ DIATRIBÆ, hæ DISSERTA-
TIONES, & tuis pompam aureis scriptis, OPTIME;
DOCTISSIMEQVE PRÆSVL, faciant. Tuis, inquam, quæ
ut pia, & facunda; ita cum fructu & fama publica
passim leguntur. Non in eo numerum, cum vel sola
BRABANTIA MARIANA, quam nuper paucis periodis
prosecutus sum, numerum faciat, & iam Bibliothecas
omnes impleat, ac ditet. Nullum BRABANTIA pretio-
sius elogium habet, MARIANA est; nullum ipsa Dei
Mater, quæ totâ BRABANTIA colitur; sed quam totam
in tot Urbibus, Oppidis, pagis, Virgineo TVNGERLOA
tua cultu exhibet, & comprehendit. Quid præterea?
ut scribis unam tot locis DIVAM; ita uno præcipuè,
sed tuo totam colis: quæ nobilissima scriptio est. Illa
te, Optime & amplissime Antistes, te, inquam,
Scriptorem suum, & Cultorem, Deo propitio, inco-
lumem servet, & longæuum reddat! Fœlicem TVN-
GERLOAM, quæ à te regitur, & nova quotidie in-
crementa, atque ornamenta, capit! hoc votum meum
est, quo claudo, meque tuum profiteor, vero affectu,
obsequio, cultu

ERYCIUS PVTEANVS
BAMELRODIVS.

Lovanij in Arce, xvi. Cal. Octob.

∞. IDC. XLV.